


Lescha da taglia

dalla

vischnaunca da pleiv catolica-romana

Breil / Dardin / Danis-Tavanasa



I. Disposiziuns generalas

Art. 1

Object

La pleiv catolica-romana Breil / Dardin / Danis-Tavanasa incassa las suandontas taglias tenor las disposiziuns dil dretg cantunal:

- a) ina taglia sin las entradas e sin la facultad
- b) ina taglia supplementara ed ina taglia penala.

Art. 2

Dretg subsidiar

Aschinavon che questa lescha cuntegn buca autras regulaziuns, vegnan applicadas conform al senn las disposiziuns dalla lescha davart las taglias communalas e davart las taglias da pleiv sco era dalla lescha communal da taglia e dalla lescha cantunala da taglia.

II. Dretg material

Art. 3

Pei da taglia

1. Las taglias sin entradas e sin facultad vegnan incassadas en pertschiens dalla taglia cantunala semplia.
2. La radunonza dalla pleiv fixescha sil pli tard il december il pei da taglia per igl onn fiscal suandont.

Art. 4

Subject da taglia

1. Obligadas da pagar taglia ein tut las personas che appartegnan alla pleiv sco era tut las personas catolicas che habiteschan ordeifer il territori dalla pleiv e ch'ein obligadas limitadamein da pagar taglia tenor il dretg cantunal en la pleiv catolica-romana Breil / Dardin / Danis-Tavanasa.
2. L'obligaziun da pagar taglia sedrezza ton tenor l'appartenenza ecclesiastica dallas singulas personas ch'ein obligadas da pagar taglia alla fin dalla perioda fiscala ni alla fin dall'obligaziun da pagar taglia, sco era tenor las disposiziuns dalla lescha da taglia cantunala.
3. En lètgs, nua ch'ils conjugals appartegnan a differentas confessiuns, ston ils facturs totals vegnir reparti mintgamai per la mesadad sin omisdus conjugals.

III. Dretg formal

Art. 5

Autoritads

1. Per exequir questa lescha ein cumpetentas - cun resalva dall'alinea 2 - las autoritads ch'ein incumbensadas cun l'execuziun dallas taglias communalas correspondentas
2. Davart l'obligaziun subjectiva da pagar taglia decida la suprastanza dalla pleiv.

Art. 6

*Scadenza ed
incassament*

1. Las taglias dalla pleiv scadan ensemen cun las taglias communalas.
2. Ellas ston vegnir pagadas ensemen cun las taglias communalas.

IV. Disposiziuns finalas

Art. 7

Entrada en vigur

1. Questa lescha da taglia ei vegnida approvada dalla radunonza generala dalla pleiv dils 15 da november 2015.
Ella entra en vigur cun 1. da schaner 2016.
2. Cun l'entrada en vigur da questa lescha, vegnan tut las disposiziuns d'auters relaschs che stattan en contradicziun cun ella abollidas.

Breil, ils 15 da november 2015

Il president



Sep Cathomas

Igl actuar



Marcellino Flury